

FRAMKVÆMDARÁKVÖRÐUN FRAMKVÆMDASTJÓRNARINNAR

2014/EES/54/107

frá 4. apríl 2011

um framkvæmd tilskipunar ráðsins 97/78/EB að því er varðar umfermingu afurðasendinga, sem eru ætlaðar til innflutnings til Sambandsins eða þriðju lands, á skoðunarstöð á landamærum þar sem sendingarnar eru fluttar inn

(tilkynnt með númeri C(2011) 2067)

(2011/215/ESB) (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 97/78/EB frá 18. desember 1997 um meginreglur um skipulag dýraheilbrigðiseftirlits með afurðum sem fluttar eru inn til Bandalagsins frá þriðju löndum ⁽¹⁾, einkum 2. mgr. 9. gr. og 4. mgr. 11. gr.,

og að teknu tilliti til eftirfarandi:

- 1) Í tilskipun 97/78/EB er kveðið á um að aðildarríki skuli láta fara fram heilbrigðiseftirlit með afurðum úr dýraríkinu og tilteknum plöntuafurðum sem eru fluttar til Sambandsins frá þriðju löndum í samræmi við þá tilskipun. Í henni er einnig kveðið á um að aðildarríki skuli sjá til þess að slíkar afurðasendingar séu fluttar inn í Sambandið um skoðunarstöð á landamærum.
- 2) Í 9. gr. tilskipunar 97/78/EB er kveðið á um verklagsreglur, sem fylgja skal á skoðunarstöð á landamærum þar sem sending er flutt inn, ef um er að ræða sendingar sem ætlaðar eru til innflutnings inn í Sambandið um aðra skoðunarstöð á landamærum en eru umfermdar á skoðunarstöð á landamærum þar sem sending er flutt inn á tollsvæði sömu hafnar eða flughafnar í Sambandinu.
- 3) Ákvæði 11. gr. tilskipunar 97/78/EB varða sendingar sem koma frá þriðju landi og eru umfermdar á skoðunarstöð á landamærum á komustað, á tollsvæði sömu hafnar eða flughafnar í Sambandinu, en eru ætlaðar fyrir annað þriðja land, annað hvort um yfirráðasvæði Sambandsins um aðra skoðunarstöð á landamærum eða beint til þriðja lands án þess að þær séu fluttar inn á annarri skoðunarstöð á landamærum.
- 4) Að auki er í 9. og 11. gr. tilskipunar 97/78/EB kveðið á um ýmsar undanþágur frá almennum reglum um heilbrigðiseftirlit með dýrum og dýraafurðum sem framkvæmt er á skoðunarstöð á landamærum þar sem sending er flutt inn. Þær undanþágur hafa mismunandi

gildissvið og tengjast lokaviðtökustað sendinganna og því hversu lengi sendingarnar eru geymdar meðan á umfermingarferli á skoðunarstöð á landamærum á komustað stendur.

- 5) Tímalengdin er ákvörðuð með hliðsjón af lágmarks- og hámarkstíma fyrir slíka geymslu en það er ákvarðað nánar í samræmi við verklagsregluna sem um getur í tilskipun 97/78/EB.
- 6) Í ákvörðun framkvæmdastjórnarinnar 2000/25/EB frá 16. desember 1999 um nákvæmar reglur um beitingu ákvæða 9. gr. tilskipunar ráðsins 97/78/EB varðandi áframhaldandi flutning afurða frá skoðunarstöð á landamærum ef sendingar eru ætlaðar til innflutnings í Evrópubandalaginu og um breytingu á ákvörðun framkvæmdastjórnarinnar 93/14/EBE ⁽²⁾ er sem stendur mælt fyrir um lágmarks- og hámarkstíma sem gildir í þeim tilvikum þegar sendingarnar eru ætlaðar til innflutnings inn í Sambandið um aðra skoðunarstöð á landamærum, sem er staðsett á sama yfirráðasvæði eða á yfirráðasvæði annars aðildarríkis.
- 7) Ákvæði ákvörðunar 2000/25/EB eru ekki nægilega skýr að því er varðar gildissvið reglna sem varða sendingar, sem eru umfermdar úr einu loftfari í annað eða umskipað úr einu skipi í annað á tollsvæði sömu hafnar eða flughafnar til gegnumflutnings til þriðja lands, annað hvort án frekari viðkomu á yfirráðasvæði Sambandsins eða um yfirráðasvæði Sambandsins. Því er nauðsynlegt að mæla fyrir um reglur í þessari ákvörðun til að skýra þau ákvæði sem þegar eru sett fram í ákvörðun 2000/25/EB, þ.m.t. reglur um viðeigandi lágmarkstíma.
- 8) Til að tryggja heilbrigði manna og dýra ætti opinberri dýralæknirinn á skoðunarstöð á landamærum þar sem sending er flutt inn að fá viðeigandi upplýsingar, ef um er að ræða sendingar sem falla undir 9. og 11. gr. tilskipunar 97/78/EB. Því er rétt að mæla fyrir um reglur um upplýsingar sem einstaklingurinn, sem er ábyrgur fyrir farminum við komutíma sendingar á skoðunarstöð á landamærum, þarf að veita.

(*) Þessi EB-gerð birtist í Stjútíð. ESB L 90, 6.4.2011, bls. 50. Hennar var getið í ákvörðun sameiginlegu EES-nefndarinnar nr. 77/2012 frá 30. apríl 2012 um breytingu á I. viðauka (Heilbrigði dýra og plantna) við EES-samninginn, sjá *EES-viðbætur við Stjórnartíðindi Evrópusambandsins* nr. 50, 13.9.2012, bls. 7.

⁽¹⁾ Stjútíð. EB L 24, 30.1.1998, bls. 9.

⁽²⁾ Stjútíð. EB L 9, 13.1.2000, bls. 27.

- 9) Að loknum lágmarkstíma, sem nemur sjö dögum, verður að fara fram heilbrigðiseftirlit með dýrum og dýraafurðum á sendingum sem er umskipað úr einu skipi í annað í sömu höfn og eru ætlaðar til innflutnings eða gegnumflutnings til þriðju landa eins og gert er ráð fyrir í 9. og 11. gr. tilskipunar 97/78/EB.
- 10) Að því er varðar sendingar, sem er umskipað úr einu skipi í annað í sömu höfn á skoðunarstöð á landamærum á komustað og sem eru ætlaðar beint til þriðja lands án frekari viðkomu á yfirráðasvæði Sambandsins, er dregið úr áhættu fyrir heilbrigði dýra og manna í Sambandinu þar eð snerting sendinganna við yfirráðasvæði Sambandsins er takmörkuð. Í slíkum tilvikum getur verið rétt að framlengja lágmarkstímann sem um getur í 9. og 11. gr. tilskipunar 97/78/EB.
- 11) Sú framlenging ætti að vera með fyrirvara um viðeigandi ábyrgðir frá aðildarríki skoðunarstöðvarinnar á landamærum á komustað. Einkum ætti aðildarríkið að sjá til þess að komið sé í veg fyrir að slíkar sendingar séu fluttar í aðra höfn í Sambandinu og að þær séu sendar beint til þriðja lands. Að auki ætti aðildarríkið að veita framkvæmdastjórninni og hinum aðildarríkjunum viðeigandi upplýsingar varðandi þessar ábyrgðir, þ.m.t. upplýsingar um vöktunarkerfi, til að tryggja að tímabil og fyrirkomulag varðandi áframhaldandi flutning til tiltekins ákvörðunarstaðar, eins og tilgreint er í tilkynningu um sendinguna, séu virt.
- 12) Að auki er mikilvægt að tilgreina að öllu heilbrigðiseftirliti með dýrum og dýraafurðum, sem mælt er fyrir um í tilskipun 97/78/EB, skuli beitt í tengslum við sendingar eftir að hámarkstíminn, sem mælt er fyrir um í þessari ákvörðun, er útrunninn.
- 13) Til að tryggja gagnsæi og samræmi í löggjöf Sambandsins er rétt að fella ákvörðun 2000/25/EB úr gildi og að þessi ákvörðun komi í stað hennar.
- 14) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um matvælaferlið og heilbrigði dýra.
- c) nákvæma staðsetningu sendingarinnar ef hún er ekki sett beint um borð í loftfarið eða skipið til næsta ákvörðunarstaðar,
- d) áætlaðan tíma fyrir setningu sendingar um borð í loftfarið eða skipið sem er á leið til næsta ákvörðunarstaðar.
- Sú tilkynning skal gerð við komutíma sendingar á skoðunarstöð á landamærum og með þeim hætti sem lögbært yfirvald hefur fastsett.

2. gr.

1. Lágmarkstíminn, sem mælt er fyrir um í i. lið b-liðar 1. mgr. 9. gr. tilskipunar 97/78/EB, skal vera:

a) 12 klukkustundir á flugvelli,

b) sjö dagar í höfn.

2. Hámarkstíminn, sem mælt er fyrir um í i. lið b-liðar 1. mgr. 9. gr. tilskipunar 97/78/EB, skal vera:

a) 48 klukkustundir á flugvelli,

b) 20 dagar í höfn.

3. gr.

1. Að því er varðar beitingu 11. gr. tilskipunar 97/78/EB skal lágmarkstíminn, sem kveðið er á um í a-lið 1. mgr. 9. gr. þeirrar tilskipunar, vera:

a) 12 klukkustundir á flugvelli,

b) sjö dagar í höfn.

2. Að því er varðar beitingu 1. mgr. 11. gr. tilskipunar 97/78/EB og annars undirliðar b-liðar 2. mgr. 11. gr. þeirrar tilskipunar geta aðildarríkin framlengt lágmarkstímann, sem mælt er fyrir um í b-lið 1. mgr. þessarar greinar, í 14 daga að því tilskildu að:

a) sendingarnar komi frá þriðja landi og séu ætlaðar til annars þriðja lands án frekari viðkomu á þeim yfirráðasvæðum sem eru skráð í I. viðauka við tilskipun 97/78/EB,

b) sendingunum sé umskipað úr einu skipi í annað á skoðunarstöð á landamærum á tollsvæði sömu hafnar í Sambandinu,

c) hlutaðeigandi aðildarríki leggi ítarlegan rökstuðning fyrir framkvæmdastjórnina og önnur aðildarríki, innan ramma fastanefndarinnar um matvælaferlið og heilbrigði dýra, þar sem tilgreint er að gripið hafi verið til allra nauðsynlegra ráðstafana til að koma í veg fyrir að slíkar sendingar séu fluttar til annarrar hafnar í Sambandinu í stað þess að þeim sé umskipað beint til þriðja lands.

SAMÞYKKT ÁKVÖRÐUN ÞESSA:

1. gr.

Þegar sendingum er framvísað á skoðunarstöð á landamærum til síðari umfermingar skal einstaklingurinn, sem er ábyrgur fyrir farminum, tilkynna opinbera dýralækninum á þeirri skoðunarstöð á landamærum um eftirfarandi:

a) áætlaðan affermingartíma sendingarinnar,

b) viðtökuskoðunarstöð á landamærum í Sambandinu ef um er að ræða innflutning eða gegnumflutning um Sambandið eða þriðja viðtökuland ef um er að ræða gegnumflutning beint til þriðja lands,

Þessar ráðstafanir skulu fela í sér vöktunarkerfi til að tryggja að tímabil og næsti ákvörðunarstaður, eins og tilgreint er í tilkynningunni sem kveðið er á um í 1. gr., séu virt.

4. gr.

Ef hámarkstíminn, sem mælt er fyrir um í 2. mgr. 2. gr., er útrunninn skal sendingin sæta sannprófun auðkenna og eftirliti með ástandi, sem kveðið er á um í 4. gr. tilskipunar 97/78/EB, á skoðunarstöðinni á landamærunum þar sem sendingin er flutt inn.

5. gr.

Ákvörðun 2000/25/EB er felld úr gildi.

6. gr.

Ákvörðun þessi gildir frá 1. maí 2011.

7. gr.

Ákvörðun þessari er beint til aðildarríkjanna.

Gjört í Brussel 4. apríl 2011.

Fyrir hönd framkvæmdastjórnarinnar,

John Dalli

framkvæmdastjóri.